

Siunnersuummut nassuiaatit

Nassuiaatit nalinginnaasut

1. Aallaqqaasiut

Uuliamik mingutsitsinermut upalungaarsimaneq, uuliamik mingutsitsinermik akiuiniarneq, uuliamik mingutsitsinerup kingorna avatangiisini saliineq aammalu Kalaallit Nunaanni aatsitassanut suliaasaqarfiup iluani tamatumunnga assingusumik suliaqarneq pillugit niuerneramik tunngavilimmik suliffeqarfimmik ingerlatsinissaq Greenland Oil Spill Response A/S-imut siunertaavoq. Ingerlatseqatigiiffik aamma tamanna ingerlatseqatigiiffiup malittarisassaanni allassimappat, Kalaallit Nunaanni suliaasaqarfiit allat iluanni taamatut suliaqarnermik ingerlatsinissaavoq, aammalu Kalaallit Nunaanni aatsitassanut suliaasaqarfiup iluani uuliamik mingutsitsinermik upalungaarsimanermik pilersitsinermut, ingerlatsinermut piorsaanermullu peqataasinnaalluni, ilanngullugu sungiusarnerni iliuuseqarluni peqataaneq, takuuk § 1, imm. 4 aamma 5 Greenland Oil Spill Response A/S pillugu Inatsisartut inatsisaanni.

Greenland Oil Spill Response A/S-ip atuuffissaa pingaarnaq taamaalilluni tassaavoq uuliaarluernermit atatillugu mingutsitsinermik akiuiniarnissaq, aammalu ikummatissiassanut akuersissut malillugu pisinnaatitsissummik pigisaqartut ingerlatseqatigiiffimmut aningaasaqarnikkut tapersiinnissamut pisussaaffeqarput.

Annertunerusumik uuliaarluernissap aarlerinaateqarnera sinerissap avataani uuliasiorluni misissugassanik qillerinermut qalluinernullu attuumassuteqarpoq. Sinerissap avataani misissuinissamut qalluinissamullu ikummatissiassanut akuersissutinik ingerlatsivigineqartunik soqanngilaq, aammalu Grønlandshavet-imi sumiiffinnut ikummatissiassanut akuersissutinik tunniussinissaq pillugu tamanut ammasumik qinnuteqaqqusinissaq (neqeroortitsineq) maannamuugallartoq kinguartinniarlugu, Naalakkersuisut ulloq 24. juni 2021 aalajangerput.

Taamaalilluni sinerissap avataani ikummatissiassanik misissuinissamut qalluinissamullu akuersissutinik atuuttoqanngimmat, aammalu akuersissutinik nutaanik sunniussisoqartussaannngimmat, ingerlatseqatigiiffiup uuliamik mingutsitsinermik akiuiniarnissamik siunertaqartup atuutsiinnarnissaa tunngavissaqarsorineqarunnaarpoq.

Greenland Oil Spill Response A/S pillugu Inatsisartut inatsisaata atorunnaarsinneqarnerata kingunerisaanik ingerlatseqatigiiffiup atuutsiinnarnissaanut Naalakkersuisut pisussaaffeqarunnaassapput, aammalu aningaasat ingerlatseqatigiiffimmiittut taamaalilluni siunertanut allanut atorunnaarsinnaalissallutik.

Taamaattoq mingutsitsisunit allanit ikummatissiassanik misissuinermit qalluinermiillu allaanerusuniit uuliamik mingutsitsinermik akiuiniarnissamut upalungaarsimanerup atuutsiinnarnissaa suli kissaatigineqarpoq, taamaattumik ingerlatseqatigiiffiup pigisai nalillit ingerlataalu allami ingerlateqqinneqassapput.

2. Siunnersuummi immikkoortut pingaarnert

Greenland Oil Spill Response A/S pillugu Inatsisartut inatsisaat nr. 4, 4. juni 2012-imeersoq atorunnaarsinneqassaaq aammalu atorunnaarsitsineq Inatsisartut inatsisaata atuutilernerata nalunaarutigineqarnerata aqaguani atuutilissasoq siunnersuutigineqarpoq.

3. Pisortanut aningaasaqarnikkut allaffissornikkullu sunniutaasussat

Siunnersuutip kingunerisaanik aningaasat ingerlatseqatigiiffimmi nikisinneqarsinnaanngitsut imaluunniit ingerlatseqatigiiffimmut immikkoortinneqarsimasut siunertanut allanut atorneqarsinnaalissapput.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut aningaasaqarnikkut allaffissornikkullu sunniuteqassanganinneqanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanganinneqanngilaq.

6. Innuttaasunut sunniutaasussat

Siunnersuut innuttaasunut aningaasaqarnikkut sunniuteqassanganinneqanngilaq.

7. Sunniutaasussat annertuut allat

Siunnersuut allanik annertuunik sunniuteqassanganinneqanngilaq.

8. Oqartussanut kattuffinnut ilaalu ilanngullugit tusarniaaneq

Siunnersuummi aalajangersakkanut ataasiakkaanut nassuiaatit

§ 1-imut

Siunnersuutigineqarpoq Greenland Oil Spill Response A/S pillugu Inatsisartut inatsisaat nr. 4, 4. juni 2012-meersoq, Inatsisartut inatsisaanni nr. 22, 3. december 2012-meersumi allanngortinneqartoq, atorunnaarsinneqassasoq.

§ 2-mut

Siunnersuutigineqarpoq Inatsisartut inatsisaat inatsisip atuutilernerata nalunaarutigineqarnerata aqaguani atuutilissasoq.